

### **Příloha č.3**

**a) *Pa sos vorbin e žejne maškar pe?***

**b) *Tejle skirin e vorbi.***

## [pro učitele]

### **O Bloomberg**

*J: Bakro, šundal, so-j híro andi Amerika?*

*B: Niči, khanči či šundem.*

*J: Site žas-tar. O mujálo ando New York o Bloomberg kamel te tord'árel te biknen pe sa e gogle pája andej kirčimi, andej kinura taj vi pej štadijounura. So phenes pe kado?*

*B: Janko, pala muro či bírija te kerel kodo.*

*J: Pala muro bírija te kerel kodo.*

*B: Taj mír gindis?*

*J: Azíte míte kerel kadi búti sar o mujálo, bírindas te tord'árel te na biknen pe e gogle pája andej školi. Taj sar vou so phenel, vi e doktora phíren pala les te kerel variso kodolesa.*

*B: Taj sosa?*

*J: Naj tu či žanes, phenen, hot' nad'on but žejne si thúle. Taj anda kodo si nasvalkerde. Dikhesa, hot' vi amende kado pa'k cera avla.*

*B: Najo, naj vi amáre Rom si ávri thujárde, na? So kerasa kodolesa?*

### **Muri dej**

*R: Manci site žas-tar, mura deja íž ingerde andi špita.*

*M: Mír, so kerdas?*

*R: Ánde bád'adindas.*

*M: So, naj má žanen, so-j lake?*

*R: Line latar mind'ár o rat taj phende amenge, hot' báro cukro-j la.*

*M: Naj Roza, cukrovka-j la?*

*R: Kado phende amenge, jo. Či mange či tecijas, hot' keři xal. Sako minuta šolas variso ando muj.*

*M: Naj či čájolas.*

*R: Kodo niči čájolas, feri ande but gindura xalas. Te bistrel, tak mindík maj feder sas lake, maj voujaki sas. Naj site žutínáv la.*

*M: Najo, inke čak terni-j. Naj vou šaj xala sa, feri niči keři sar so xalas. Taj site dikhel, hot' kadej šaj merel. kado site phenes lake. Taj te na dikhel pe pesko rom, vi kadej či parud'ola. No vou šaj, te kamla.*

*R: No korkouri či bírija, žutinou la. Aj vi me čišjilem. Pháro sas mange, kana dikhous, sar-i e ávera šėja čišle taj me niči. Či na nášt'ík rakhous pér ma coxa. Taj mind'ár phurdous, kana žous variká, taj mure purne opre šuvjonas. Či simas voujaki, nad'on khini simas, taj kamous feri te sovav.*

*M: Žanav, anda kodo sas. No vi kodo báro-j, hot' te i šej má romeste ávri thujárd'ol.*

*R: Mír, ud'i? Variso či keras mišto.*

a)

1: Sar o Bloomberg kamel te tord'árel te biknen pe e gogle pája andej kirčimi, andej kinura taj vi pej štadijounura taj mír.

2: Sar i dej ánde bád'adindas taj mír.